

L'é ruà Bertol!

Dò che l'é stat spetà n pez, zacan chest an la gustégola mascotte de l'Aisciuda Ladina la é doventèda viva e la é jita en cèrn e osc a troèr i bec te la scoles de Fascia



Ence te scolina de Cianacei l'é ruà Bertol en cèrn e osc per l content di più picoi.

Aisciuda Ladina/1 - Ai 4 de mé l'é tacà l'Aisciuda Ladina, la scomenzadiva che vel slarièr fora l lengaz e l'identità ladina te ogne aspet possibol de la vita da duc i dis. Ruà a sia setima edizion, chest an l'event porta dant na gran bela neva, curiosa e da marevea soraldut per i più picoi, che da egn speta con gaissa chest moment:

Bertol, la mascotte ferùscola e bricona de l'event, l'é doventà vif, en cèrn e osc, e l'à viventà con sia prejenza i desvalives momenc de la festa del lengaz.

L'é stat i bec de la scolina de Ciampedel i prumes a poder veder Bertol dal vif, con sia bela capa a righes, l nès lonch e spiz, n gran grignot e i ciuzé sproposité, proprio

descheche l'é semper stat raprejentà sui placac. L'era compagnà da la Sorastanta de la Scoles de Fascia Mirella Florian e i etres raprejentanc istituzionèi, dapodò a man a man l'é jit a troèr duc i picoi de l'autra scolines e i scoles de la scoles populères de Fascia.

Duc i ge à sport l benvegnù con gran content, vèlch un anter i più

picoi ence con mingol de tema, e i à enjignà per el vèlch da gustégol desche rimes, cianties, jeghes, o amò vèlch moment de musega con cores e bandins, en linia col tem de chesta edizion, la musega, se sà ben aldò del conzet de identità ladina.

A duc i bec ge à sapù n gran bel poder scriver su la tabeles che

Per ladin l'é amò più bel ence se refizièr!

Bertol l'à tedant e tedò, jir a se fèr dèr la man e dapò, semper en sia compagnia, i à podù marendolèr cercian n bon pan douc da brasel: n picol pan de l'aisciuda fornì sù con glassa de zucher coi colores de la bandiera ladina, colores se sà ben da poder magnèr, enjignà apontin per l'ocajion dal pech Boninsegna. (cri.m)